

ՀԻՄՆԱՎՈՐՈՒՄ

ԾԱՂԿԱԾՈՐ ՀԱՄԱՅՆՔԻ 2022 ԹՎԱԿԱՆԻ ԲՅՈՒՋԵՆ ՀԱՍՏԱՏԵԼՈՒ ՄԱՍԻՆ ՆԱԽԱԳԾԻ ԸՆԴՈՒՆՄԱՆ

Ծաղկաձոր համայնքի 2022թ. բյուջեի հաստատման որոշման նախագիծը մշակվել է առաջնորդվելով <<Տեղական ինքնակառավարման մասին>> օրենքի 18 հոդվածի 1 մասի 5 կետի և <<Հայաստանի Հանրապետության բյուջետային համակարգի մասին>> օրենքի 32 հոդվածի, 33 հոդվածի 3 մասի պահանջների համապատասխան, որի ձևավորման հիմքում ընկած են խնայողականությունը, հաշվեկշռվածությունը, արդյունավետությունը և հստակությունը:

Համայնքի բյուջեի կառուցվածքը տեղական ինքնակառավարման մարմինների կողմից իրականացվող լիազորությունների և դրանց համապատասխանության ապահովման անհրաժեշտությունից ելնելով բաժանվում է վարչական և ֆոնդային մասերի: Եկամտային կանխատեսումներն ու ծրագրավորումներն իրականացվում են յուրաքանչյուր մասերի համար առանձին: Բյուջեն պլանավորված է նպաստելու համար համայնքի համաչափ և կայուն զարգացմանը, բարեկարգ հարմարավետ և մատչելի միջավայրի ձևավորման շարունակականության ապահովմանը, համայնքային ոչ առևտրային կազմակերպությունների արդիականացմանը, բնակչության կենսական շահերի ապահովմանը:

Ծաղկաձոր համայնքի 2022թ. բյուջեի նախագծում եկամուտների գումարը ծրագրվել է 642 031.5 հազար դրամ, ծախսերի գումարը՝ 1 236 189.4 հազար դրամ, դիֆիցիտը / պակասուրդը՝ 594 157.9 հազար դրամ:

Բյուջեի եկամուտների կանխատեսում

Նախագծով նախատեսված եկամուտների ընդհանուր ծավալում սեփական եկամուտները կազմում են 446 625.9 հազ.դրամ: Նախագծով նախատեսված եկամուտների հիմնավորումը և համեմատական վերլուծությունը առավել հստակ կլինի դրանք առանձին եկամտատեսակների տեսքով ներկայացման դեպքում:

Մասնավորապես.

1. Հարկեր և տուրքեր.

1.1 Հարկային եկամուտները ծրագրվել են 231 227.0 հազար դրամի չափով:

Հարկային եկամուտների կանխատեսվող աճը պայմանավորված է անշարժ գույքի հարկի կադաստրային արժեքների ճշտումների արդյունքից և համայնքում նոր գրանցվող փոխադրամիջոցների հարկից:

1.2 Տեղական տուրքերը ծրագրվել են 41 532.0 հազար դրամի չափով: Այն պայմանավորված է համայնքի վարչական տարածքում ոգելից և ալկոհոլային խմիչքների և (կամ) ծխախոտի արտադրանքի վաճառքի, հանրային սննդի կազմակերպման և իրացման թույլտվության համար, համայնքի տարածքում նոր շենքերի, շինությունների (ներառյալ ոչ հիմնական) շինարարության (տեղադրման) թույլտվության համար, հեղուկ վառելիքի վաճառքի թույլտվության համար, բացօթյա առևտուր կազմակերպելու թույլտվության համար, համայնքի վարչական տարածքում առևտրի, հանրային սննդի, զվարճանքի, շահումով խաղերի և վիճակախաղերի կազմակերպման օբյեկտներին, խաղատներին և բաղնիքներին (սաունաներին) ժամը 24.00-ից հետո աշխատելու թույլտվության համար, արտաքին գովազդի տեղադրման թույլտվության համար, Հայաստանի Հանրապետության վարչատարածքային միավորների խորհրդանիշները (զինանշան, անվանում և այլն), որպես օրենքով գրանցված ապրանքային

նշան, ապրանքների արտադրության, աշխատանքների կատարման, ծառայությունների մատուցման գործընթացներում օգտագործելու թույլտվության համար, համայնքի վարչական տարածքում տեխնիկական և հատուկ նշանակության իրավասություն իրականացնելու թույլտվության համար, համայնքի տարածքում սահմանափակման ենթակա ծառայության օբյեկտի գործունեության թույլտվության համար նախատեսված տուրքերից:

2. Պետական դրամաշնորհներ.

Հիմք ընդունելով Հայաստանի Հանրապետության 2022թ. պետական բյուջեի ֆինանսական համահարթեցման սկզբունքով տրամադրվող դոտացիան նախագծով ծրագրվել է 157146.1 հազար դրամ, իսկ պետական բյուջեից տրամադրվող նպատակային հատկացումները (սուբվենցիաներ)՝ 38 259.5 հազար դրամ:

3. Այլ եկամուտներ.

2022թ. ծրագրով այլ եկամուտները նախատեսվել են 128 215.2 հազար դրամ: Այլ եկամուտները իրենց մեջ ներառում են հողի և գույքի վարձակալությունից եկամուտները, վարչական գանձումները, տեղական վճարները, տույժերը և տուգանքները:

2. Բյուջեի ծախսերի կանխատեսում

2.1 Ծաղկաձոր համայնքի 2022թ. բյուջեի նախագծով ծախսերի ծավալը ծրագրվել է 1 229 189.4 հազար դրամի չափով:

Նախագծով առաջարկվող բյուջետային ծախսերում՝

2.1.1 Ընդհանուր բնույթի հանրային ծառայություններ ոլորտին հատկացվել է 329 453.3 հազ. դրամ

2.1.2 Պաշտպանություն և հասարակական կարգ անվտանգություն և դատական գործունեության ոլորտներին հատկացվել է 21 200.0 հազ դրամ:

2.1.3 Տնտեսական հարաբերություններ ոլորտին հատկացվել է 347 687.5 հազ.դրամ

2.1.4 Շրջակա միջավայրի պաշտպանություն ոլորտին հատկացվել է 216 180.9 հազ.դրամ:

2.1.5 Բնակարանային շինարարության ոլորտին հատկացվել է 77 619.0 հազ.դրամ:

2.1.6 Առողջապահության ոլորտին հատկացվել է 1 000,0 հազ. դրամ:

2.1.7 Հանգիստ , մշակույթ և կրոն ոլորտին հատկացվել է 141 220.6 հազ.դրամ:

2.1.8 Կրթության ոլորտին հատկացվել է 185 157.7 հազ.դրամ:

2.1.9 Սոցիալական ապաշտպանություն ոլորտին հատկացվել է 11 500.0 հազ.դրամ

2.1.11 Պահուստային ֆոնդ 55 170.4 հազ.դրամ:

2.2 Ստորև ներկայացվում են համայնքի 2022թ. բյուջեի նախագծով ծրագրվող ծախսերի սկզբունքներն ու հիմնավորումները՝ ըստ ծրագրերի:

- Ծաղկաձոր համայնքի կեղտաջրերի հեռացման համակարգի կառուցման աշխատանքներ / Չարենցի փողոցի, Օրբելի եղբայրների փողոց, Պահլավունյաց փողոց/
- Ծաղկաձոր համայնքի մանկապարտեզի շենքի կապիտալ վերանորոգման աշխատանքներ
- Ծաղկաձոր համայնքի Նոր թաղամասի ճանապարհի կառուցման, կապիտալ վերանորոգման աշխատանքներ:
- Ծաղկունյաց հրապարակի հիմնանորոգման և հարակից փողոցների հենապատերի կառուցման աշխատանքներ:

- Ծաղկաձոր համայնքի Ս. Հարություն եկեղեցու հարակից զբոսայգու կառուցման աշխատանքներ
- Ծաղկաձոր համայնքի Մեղրաձոր գյուղի 5-րդ փողոցի ասֆալտապատման աշխատանքներ
- Ծաղկաձոր համայնքի Մեղրաձոր գյուղ 2-րդ փողոցի ասֆալտապատման աշխատանքներ
- Ծաղկաձոր համայնքի Մարմարիկ գյուղի փողոցների ասֆալտապատման աշխատանքներ
- Ծաղկաձոր համայնքի Մարմարիկ գյուղի ջրահեռացման առուների կառուցումն աշխատանքներ
- Ծաղկաձոր համայնքի Փյունիկ գյուղի ճանապարհի ասֆալտապատման աշխատանքներ
- Ծաղկաձոր համայնքի Աղավնաձոր գյուղի հեղեղատարի կառուցումն աշխատանքներ
- Ծաղկաձոր համայնքի Արտավազ գյուղի ճանապարհների ասֆալտապատման աշխատանքներ
- Ծաղկաձոր համայնքի Հանքավան գյուղի ճանապարհների ասֆալտապատման աշխատանքներ
- Ծաղկաձոր համայնքի Հանքավան գյուղի ջրագծերի կառուցման աշխատանքներ

ՀԱՄԱՅՆՔԻ ՂԵԿԱՎԱՐ՝



Ն. ՀԱՐՈՒԹՅՈՒՆՅԱՆ